

Акафист Святому Духу

Кондак 1

Приидіте, вѣрнии, Духа Святаго просла́вим соше́ствие, Ёже от Оте́ческих недр на апо́столов излі́вся я́ко вода́ми, боговѣдени́ем покрѣ́ зѣмлю, и живно́сныя благода́ти богоусыновле́ния, и го́рняя сла́вы сподо́бляет чи́сте притека́ющих к Немѹ́, освяща́ет же и обожа́ет зову́щих:

Прииди́, Уте́шителю Ду́ше Святы́й, и всели́ся в ны.

Икос 1

А́нгели на небесѣ́ свѣтлыми хорáми Духу́ Свято́му несмо́лкаемо сла́ву пою́т, я́ко Исто́чнику жи́зни и Свѣту́ невещѣ́ственному, боже́ственными мо́лниями мир просвѣща́ющему. С ни́ми же и мы прославля́ем Тя, Ду́ше непости́жимый, за вся́ я́вныя и та́йныя ми́лости Тво́я, и смире́нно про́сим блаже́ннаго осенѣ́ния Твоего́:

Прииди́, Свѣ́те и́стинный и Ра́досте духо́вная; прииди́, росно́сный О́блаче и Краси́то неизрече́нная. Прииди́, и приими́ я́ко курѣ́ние благово́нное хвалу́ на́шу; прииди́, и даждь нам вку́сити ра́дость явле́ния Твоего́. Прииди́, и сотвори́ сей день днём ми́лосѣрдия Твоего́; прииди́, и возвесели́ нас оби́лием даро́в Твои́х. Прииди́, Свя́тость безме́рная, и вся́ку скве́рну далече́ от нас отжени́; прииди́, вѣ́чное со́лнце незаходи́мое, и оби́тель Твою́ в нас сотвори́.

Прииди́, Уте́шителю Ду́ше Святы́й, и всели́ся в ны.

Кондак 2

Видѣ́нием о́гненных язы́ков, во свѣ́те и дыха́нии бу́рнем и радостотво́рнем снѣ́де Дух Святы́й на апо́столов. Пла́менем Е́го объ́ятии, ры́бари мир весь в Це́рковь Христо́ву призва́ша, бе́ды на су́ши и вода́х радостно́ терпяще, лю́тых смерте́й не убо́яшася, и во всю зѣмлю́ изы́де веща́ние их: Аллилу́иа.

Икос 2

Ча́ша дождеро́дно огнето́чивая, излі́вшаяся на апо́столов в го́рнице Сио́нстей: Тебе́ поём, Тебе́ благослови́м, Тебе́ благодарим, Бо́же Ду́ше Святы́й, низпосли́ и на нас Прему́дрость Твою́:

Прииди́, Освятите́лю и Храни́телю Це́ркви; прииди́, и даждь еди́но се́рдце и еди́ны уста́ вѣ́рным Твои́м. Прииди́, и воспламени́ на́ше хла́дное и непло́дное благоче́стие; прииди́, и разжени́ огустева́ющий над зѣмлею́ мрак безбо́жия и нече́стия. Прииди́, и даждь нам вку́сити, я́ко Благ е́си; прииди́, и наста́ви нас на вся́ку и́стину. Прииди́, и вся́ помышле́ния на́ша покори́ вла́дичеству Твоему́; прииди́, Му́дросте непости́жимая, и Ё́уже ве́си судьба́ми спаси́ нас.

Прииди́, Уте́шителю Ду́ше Святы́й, и всели́ся в ны.

Кондак 3

Тайна глубочайшая, Боже Душе непостижиме, со Отцем и Словом Создателю всех! Ты украсил еси горния чины ангелов во храме неприступнаго света, Ты воззвал к бытию хоры огненных светил с великолепием славы, Ты, плоть и дух в чудное единство согласуя, сотворил еси род человеческий, и всякое дыхание поёт Тебе хвалу: Аллилуиа.

Икос 3

А́льфа и оме́га, нача́ло и коне́ц Ты, Душе́ вѣчный, необъятною́ си́лою парѣния над вода́ми и стра́шным кру́гообсто́янием живо́творил еси́ всех и вся. От живоно́снаго дыха́ния Твоего́ из безви́дных безднъ возсия́ла е́сть неизрече́нная красота́ первозда́ннаго ми́ра. Сего́ ра́ди взыва́ем Ти:

Прииди́, Вели́кий и в ма́лом цветке́, и в небе́сной звездѣ; прииди́, всяким дыха́нием на небеси́ и на земли́ Хва́лимый. Прииди́, Сокро́вище многообра́зных даро́в неисчерпа́емое и Красото́ вѣчная; прииди́, и озари́ мра́чный ха́ос моея́ души́. Прииди́, и благода́тию Твоею́ се́мя жи́зни духо́вныя оживи́ в нас; прииди́, и ду́хом све́та и крѣпости коле́блющееся произво́ление на́ше утверди́. Прииди́, и в све́тлый о́браз Твой устрои́ мра́чное безобра́зие души́ моея́; прииди́, и яви́ нас но́вою тва́рию во Христѣ́.

Прииди́, Уте́шителю Ду́ше Святы́й, и всели́ся в ны.

Кондак 4

Непостижи́мый и Всеблагий́! Ты обле́кл еси́ Пречи́стую Де́ву Мари́ю в ослепи́тельный и неприступный́ блеск Твоего́ Божества́, соде́лав Ма́терию Бо́га, Цари́цею а́нгелов, спасе́нием люде́й! Си́лою премирно́ю Ты возно́сиши их до тре́тияго небе́с! Ты уязвля́еши их сердца́ красото́ю Небе́сною, влага́я в их рѣчи́ жгучее́ стремле́ние, влеку́щее люде́й к Бо́гу. Ты обраща́еши послѣдних грѣшников, и полные́ горня́го востор́га, пою́т они́ Тебе́: Аллилу́иа.

Икос 4

Святы́м Ду́хом вся́ка душа́ живи́тся, Его́ си́лою возстано́вятся к общѣ́нию воскресе́ния вся создани́я в послѣдний́ час ны́нешняго ве́ка и в пе́рвый бу́дущаго. Тогда́ воздвигни́ нас из гробо́в, не к осужде́нию, но к Божѣ́ственному блаже́нству со все́ми святы́ми и с бли́зкими нам:

Прииди́, и изба́ви нас от сме́рти духо́вныя; прииди́, и даждь нам всегда́ па́мять сме́ртную. Прииди́, и пред кончи́ною насы́ти нас Те́лом и Кро́вию Христá; прииди́, и даждь нам успе́ние тихое́ и с чи́стою со́вестию. Прииди́, и сотвори́ све́тлым на́ше пробужде́ние от сме́ртнаго сна; прииди́, и бу́ди с на́ми, егда́ предста́нем о́ному Стра́шному Судий́. Прииди́, и сподо́би нас уви́дети с радости́ю ликую́щее У́тро вѣчности; прииди́, и я́ко со́лнце просвети́ тогда́ безсме́ртная телеса́ на́ша.

Прииди́, Уте́шителю Ду́ше Святы́й, и всели́ся в ны.

Кондак 5

Услы́шав глас Твой: а́ще кто жа́ждет, да грядѣ́т ко Мне́ и да пиѣ́т, мо́лим Тя, Сы́не Бо́жий, утоли́ на́шу духо́вную жа́жду, даждь нам во́ду живу́ю, изле́й нам от Ду́ха Свята́го Твоего́, да не возжа́ждем во ве́ки, со умилѣ́нием пою́ще: Аллилу́иа.

Икос 5

Нетлѣнный и несотворѣнный, вѣчный и щѣдрый Дѹше, праведных хранителю и грѣшных очищение, свободи нас от всяких нечѣстных дел, да не погаснет в нас сияние благодатнаго свѣта Твоего, вопиющих Ти:

Прииди, Всеблагий, и даждь нам умиление и источник слез; прииди, и научи нас поклоняться Тебѣ Дѹхом и Истиною. Прииди, Истине вѣчная, и уясни недоумения ума нашего скѹднаго; прииди, Жизнь нестарѣемая, и отжени от нас прельщения краткаго века сего. Прииди, Свѣте незаходимый, и разсей мрак страстей наших и уныния; прииди, вѣчно юная Сило, освежи изнемогающих чад Твоих. Прииди, безконѣчная Радосте, и забудутся невзгоды временныя; прииди, и изсохшую зѣмлю душ наших плодотворно покажи.

Прииди, Утешителю Дѹше Святой, и вселися в ны.

Кондак 6

Ликуй, дочь Свѣта, святая Мати Сион, украшайся, великая Невѣсто, Небеси подобная свѣтло блистающая вселенская Церковь Христова, на Тебѣ почивает Дух Святой, немощная врачья, оскудевающая восполняя и мертвые Дѹхом оживляя, и к вѣчной жизни приводя всех, достойно и праведно о Тебѣ зовущих: Аллилуиа.

Икос 6

В мире скорбни будете, рече Господь. Где обрящем Отраду, и Кто утешит нас? Дѹше Утешителю, Ты утоли наша печали, ходатайствуй о нас воздыхании неизреченными, облегчи сердца молящихся Тебѣ:

Прииди, сладкая Прохладо труждающихся и обремененных; прииди, Собесѣднице узников и Спутнице гонимых. Прииди, Пище алчущих и нищетой изнуренных; прииди, Пристанище сирым и вдов Утешение. Прииди, и уврачуй страсти душ и телес наших; прииди, и посети всех жаждущих Твоего озарения. Прииди, и поддержи безпомощных и слабых; прииди, и научи нас в привременных скорбех обретати надежду вѣчных радости.

Прииди, Утешителю Дѹше Святой, и вселися в ны.

Кондак 7

На Святого Дѹха хулившему не простится ни в сем веке, ни в будущем, рече Господь. Слышаще сие трепещем, да не осудимся с непослушными Тебѣ и богоборными; не уклони сердца наша в словеса лукавствия, обрати от расколов, ересей и безбожия всех заблуждших, и в Церкви Первенец сподоби во веки веков воспевати: Аллилуиа.

Икос 7

Егда отступил Дух Святой от Саула, тогда страх и уныние постиже его, и тьма отчаяния низверже его в преисподнюю. Тако и аз в день уныния и ожесточения моего да разумю, яко несть во мне Бога, но даждь мне неослабно звати Тя, души моея Отрадо, дондеже свет Твой озаряет мя малодушнаго:

Прииди, и не отвержи мене за роптание и нетерпение мое; прииди, и умиротвори лютую бурю смятения и раздражения. Прииди, и успокой озлобленных житейскими невзгодами;

прииди́, и смягчи́ се́рдце в день ожесточе́ния и гне́ва. Прииди́, и обле́гчи со́гбенных тяжестию креста́; прииди́, и сокруши́ ко́зни смущения́ и страхова́ния духо́в тьмы. Прииди́, и возсия́й нам Свет Твой благи́й; прииди́, и вдохни́ в нас великоду́шие, да терпе́нием спасе́м ду́ши на́ша.

Прииди́, Уте́шителю Ду́ше Святы́й, и всели́ся в ны.

Кондак 8

Спаси́ нас, О́тче Небе́сный! Мы несча́стны и жа́лки, и сла́бы, и на́ги духо́вно; да́руй нам зла́то Твое́, огне́м очи́щенное, покрýй нас от сра́ма оде́ждою бе́лою, исцели́ пома́занием Твои́м о́чи на́ша, благода́ть животворя́щаго Твоего́ Ду́ха да сни́дет в нечи́стии сосу́ды душ на́ших, и возроди́т пою́щих: Аллилу́иа.

Икос 8

Я́ко Вавило́нская ба́шня ру́шится сча́стье земно́е, жа́лки вся начинáния челове́ческа! Бла́го мне, я́ко смири́л мя еси́, я́ко откры́л еси́ мне в согреше́ниях и паде́ниях мои́х всю сла́бость и ничто́жество моё! Без Тебе́ не мо́жем твори́ти ничесо́же, но благода́тию Твоею́ упова́ем спасти́ся:

Прииди́, Прему́дрый Строи́телю жи́зни; прииди́, да разуме́ем и мы спаси́тельныя пу́ти Твоя́. Прииди́, я́ко мо́лния, и освети́ цель на́шего бытия́; прииди́, и благослови́ всякое благо́е начинáние. Прииди́, и бу́ди Помо́щником в до́брых дела́х; прииди́, озаря́я в час недоуме́нный. Прииди́, да́руя дух покая́ния, да отврати́тся тем грядúщия на мир бе́ды; прииди́, и научи́ нас при́сно твори́ти во́лю Твою́.

Прииди́, Уте́шителю Ду́ше Святы́й, и всели́ся в ны.

Кондак 9

Та́ко возлюби́ Бог мир, я́ко и Сы́на Своего́ Единоро́днаго дал еси́, И́же от Ду́ха Свята́го и Мари́и Де́вы вочелове́чився, кро́вию Своєю́ весь мир искупи́л, на Кресте́ прости́рая Жижди́тельныя ру́цы до звезд; те́мже всю тварь свободи́, ча́д Бо́жих соде́ла. Сего́ ра́ди Отцу́ Возлю́бленному, Сы́ну Искупи́вшему и Ду́ху Освяща́ющему поём: Аллилу́иа.

Икос 9

Дух Животворя́щий, я́ко го́лубь соше́дый на Христа́ во Иорда́не, опочи́л есть и на мне при купе́ли креще́ния, но помрачи́ся доброта́ Его́ от тьмы грехопадéний мои́х. Я́ко пу́тник заблúждшийся но́щию в лесу́ ожида́ет зарí, та́ко и аз жа́жду луче́й Твои́х, Бла́же, да не поги́бну до конца́:

Прииди́ ко мне, запечатле́нному стра́шным и великолéпым и́менем Твои́м; прииди́, и даждь ми зре́ти моя́ прегреше́ния. Прииди́, и обле́гчи со́весть му́чимую, неща́дно пали́мую; прииди́, обнови́ омраче́нный Твой о́браз. Прииди́, и разсе́й грехо́вная видéния; прииди́, и научи́ сострада́ти чужде́му го́рю. Прииди́, и подвигни́ мя люби́ти всякое создáние Твое́; прииди́, и возда́ждь ми Ра́дость Спасе́ния Твоего́.

Прииди́, Уте́шителю Ду́ше Святы́й, и всели́ся в ны.

Кондак 10

Дух Святы́й возражда́ет в жизнь вѣчную, Дух Святы́й вдохновля́ет мучеников, венча́ет пра́ведников, связу́ет соста́в Церко́вный, хлеб и вино́ соверша́ет Тѣлом и Кро́вию божѣственными. О Глубино́ богатства и премудрости Божией! Даруй нам Вене́ц Твои́х даро́в, всепроща́ющую вѣчную Любо́вь, скорбя́щую за враго́в, хотя́щую всем спасти́ся, да озаре́ннии Ею, я́ко ча́да Све́та поём: Аллилу́иа.

Икос 10

Кто нас отлучи́т от Любве́ Божией? Скорбь ли, или тесно́та, и́ли гоне́ния, и́ли глад, и́ли нагото́, и́ли бе́ды, или меч? А́ще и всего́ лиш́имся на земли́, и́мамы насле́дие неувяда́емое на небеси́. Но да́руй нам, Го́споди, люби́ти Тя не сло́вом и́ли язы́ком, но и́стинным де́лом и по́двигом всея́ жи́зни:

Прииди́, Ду́ше всеси́льный, и умно́жи в нас всепобежда́ющую ве́ру; прииди́, и даждь нам непреста́нное горе́ние моли́твенное. Прииди́, да не охладѣ́ет любо́вь на́ша в средне́ беззако́ния; прииди́, и не даждь нам отпа́сть во дни гоне́ния и посмея́ния ве́ры. Прииди́, и сохрани́ нас от непоси́льных искуше́ний и собла́знов; прииди́, и оживи́ сердца́ на́ша кроплѣнием Росы́ Твоея́. Прииди́, и непосты́дное упова́ние на ми́лость и по́мощь Божью́ всели́ в нас; прииди́, уврачу́й, освяти́ и возста́ви нас, Бла́же, Твоею́ благода́тию.

Прииди́, Уте́шителю Ду́ше Святы́й, и всели́ся в ны.

Кондак 11

Та́ко глаго́лет Госпо́дь: излию́ от Ду́ха Моего́ на вся́ку плоть, и прореку́т сы́нове и дщѣри ва́ши, и ю́ноши ва́ши видѣ́ния у́зрят, и ста́рцы со́ния уви́дят. Ду́ше всежеланны́й, даждь хотя́ еди́ную от крупи́ц с трапѣзы сыно́в утеше́ния Твоего́ и нам, пла́менно зову́щим: Аллилу́иа.

Икос 11

А́ще и на кра́ткое мгнове́ние, я́ко блиста́ние мо́лнии Ты возсия́еши в тайни́ке души́, но незабѣ́нно есть Светоли́тие Откровѣ́ния Твоего́, от Него́ же стра́шным и боголе́пным изменѣ́нием преобража́ется брѣ́нное естество́. Сподоби́ ещѣ́ в земно́м жити́и чи́стым се́рдцем узрѣ́ти Тя и нам, моля́щимся Тебе́:

Прииди́, светопода́тельная Мо́лние вѣчности; прииди́, и озари́ нас невече́рним Сия́нием Твои́м. Прииди́, Сокро́вище смиренномудрых и Весѣ́лие кро́тких; прииди́, Водó жива́я и прохладна́я среди́ зно́я страсте́й. Прииди́, и́бо вдали́ от Тебе́ несть ра́дости ни поко́я; прииди́, и́бо с Тобо́ю всю́ду Небе́сное Ца́рство. Прииди́, и возгре́й Любо́вь Божью́ в охладѣ́вших сердца́х на́ших; прииди́, и напечатле́й в ду́ши Солнцевидный Лик Твой.

Прииди́, Уте́шителю Ду́ше Святы́й, и всели́ся в ны.

Кондак 12

Бла́гости Реко́ неисто́щима́я, Ду́ше, грехо́в Разреши́телю, приими́ молѣ́ния на́ша о всем ми́ре, о ве́рующих и неве́рующих, и о сына́х противле́ния, всех приведи́ к вѣ́чному Ца́рствию Святы́я Тро́ицы, да упраздни́тся Тобо́ю и послѣ́дний враг смерть, и мир, возрожде́нный очистите́льным огне́м, воспоёт но́вую песнь безсме́ртia: Аллилу́иа.

Икос 12

Зрю Духом Град Божий, Иерусалим Небесный, яко Невеста украшенный, солнцевидный, торжествующий, слышу ликование праведных на Трапезе Господней, и гласы ангелов, и Пресветлаго Господа посреде избранных Своих! Се, отбеже болезнь и печаль и воздыхание. Царь Небесный, седмерицею даров Своих сподоби нас Сия вечныя Радости в Бозе зовущих Ти:

Прииди, Царю Небесный, и седмерицею даров Твоих нищету нашу духовную покрый; прииди, и Духом ведения и благочестия сердца наша умилй. Прииди, и возбуди в нас жажду загробнаго бытия; прииди, и запечатлей в души чаяние Жизни нетленного века. Прииди, и открой нам Радость грядущаго Царствия; прииди, и даждь нам снегосветлую Ризу чистоты. Прииди, и возьми нас на брак Агничий; прииди, и сподоби в вечней славе Твоей царствовать.

Прииди, Утешителю Душе Святыи, и вселися в ны.

Кондак 13

О Светоносная Пучино спасающей Любве, Душе Животворящий, согрей Дыханием Божества Твоего оледеневший в беззаконных род человеческий, Силою непостижимых судеб Твоих ускори погибель зла, и яви вечное Торжество Божественныя Правды, да будет Бог всяческая и во всех, и всяко колено небесных и земных и преисподних да воспоет: Аллилуиа.

Сей кондакъ глаголется трижды. Таже Икосъ 1-й и Кондакъ 1-й

Молитва первая

Царю Небесный, Утешителю Всеблагий, Душе Истины, от Отца предвечно исходяй и в Сыне вину почиваяй, независтный Источник дарований божественных, разделяя их коемуждо, якоже хощеши, Имже и мы недостойнии освятихомся и назнаменани есмь в день крещения нашего! Призри на молитву раб Своих, прииди к нам, вселися в ны, и очисти души наша, да будем уготовани в жилищи Пресвятыя Троицы. Ей, о Всеблагий, не возгнушайся наша нечистоты и ран греховных, но исцели я всеврачующим Помазанием Твоим. Просвети наш ум, да разумеем суету мира и яже в мире, оживи нашу совесть, да немолчно возвещает нам яже подобает творити и яже отменати, исправи и обнови сердце, да не источает день и ночь помышлений злых и желаний неподобных. Укrotи плоть и угаси росоносным Дыханием Твоим пламень страстей, имже помрачается в нас драгоценный Образ Божий. Духа праздности, уныния, любоначала и празднословия отжени от нас, подаждь же нам Духа любве и терпения, Духа кротости и смирения, Духа чистоты и правды, да исправив разслабленная сердца и колена, неленостно течем по пути заповедей святых, и тако избегая всякаго греха и исполняя всяку правду, сподобимся улучшить кончину мирну и непостыдну, внити в Иерусалим Небесный, и Тамо поклонятися Тебе купно со Отцем и Сыном, поя во веки веков: Троице Святае, слава Тебе. Аминь.

Молитва иная

Душе Святыи! Всю Вселенную Собою наполняяй, и всем Жизнь подаваяй, от скверных же человек удаляяйся, смиренно молю Тя: не гнушайся нечистоты души моея, но прииди и вселися в мя и очисти мя от всякия греховныя скверны. Да помощию Твоею прочее время живота моего проживу в покаянии и творении дел благих, и тако прославлю Тя со Отцем и Сыном во веки веков. Аминь!